

Siunnersuummut nassuiaatit

Nassuiaatit nalinginnaasut

1. Aallaqqaasiut

1.1 Siunnersuummut tunngaviusut

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi inatsisip siunertaata atuutsinniarnissaa siunertaralugu, Namminersorlutik Oqartussat kommunillu arlalinnik piginnaatinneqarput. Kisianni suli ajornartorsiutit arlaqarput, aaqqiiviginiarnissaannut sunniiniutissanik annertunerusunik pisariaqartitsisoqarluni. Sunniiniutissaq nutaaq taamaattoq tassaasinnaavoq avatangiisinut akitsuutinik akuersineq, innuttaasut suliffeqarfiillu isumalluutinik atorluaanerusussamik, mingutsitsinermik killiliinerusussamik il.il. aallussinerullutik pissusilersortarnissaannik kajumissuseqalersitsisussaq. Kisianni avatangiisinut akitsuutit taamaattut pissusilersortarnermik allanngortitsissappata, avatangiisinut akitsuutit isertitat avatangiisini pitsanngorsaanernut atorreqartussaanerit, taamaalillutillu iluaqutaasussaanerit, innuttaasunut suliffeqarfinnullu ersarissuusariaqarpoq. Avatangiisinut akitsuutit iliuuseqarnernut avatangiisinut ajoqusiinnaasunut akilersinneqartassapput, aammalu isertitat avatangiisinut akitsuummik akiliisunut iluaqutaasumik avatangiisini ajornartorsiutini saliinermut atorreqassallutik.

Avatangiisinut akitsuutit ilusilersorneqarsinnaapput, qularnaveeqqutit iluseqartinneqarlutik, avatangiisini atuinermut akiliuteqarnertut aammalu tamatuma paarlattuanik suliassaqarfimmi akiliisumut imaluunniit ataatsimut isigalugu avatangiisini pitsanngorsaanermi utertinneqartassallutik. Taamatut avatangiisinut akitsuusiinermi assersuutigalugu qamutit motorillit atorunnaakkat isumannaatsumik iginneqarsinnaanissaat qulakkeerneqassaaq.

Avatangiisinut akitsuutit aamma, innuttaasut, suliffeqarfiit aamma sullissiviit avatangiisinut mingutsitsinngitsumik pissusilersortarnerini ineriartortitsiniarluni kiisalu suliniutinik immikkut avatangiisini pitsanngorsaaviusunik ingerlatsisoqartalersinniarlugu, ilusilersorneqarsinnaapput.

Avatangiisinut akitsuutinut inatsisit ataasiakkaat erseqqinnerusumik ilusilersorneqarnerat isumaliuutersuutigeqqissaarneqassaaq, taamaalilluni naapertuutinngitsumik atuutsinnagu siunertaa siuarsarneqassalluni, aammalu avatangiisinut akitsuutit nunanut allanut niueqateqarnermik akimmisaartitsisumik atuutsinneqassanngillat. Avatangiisinut aningaasaateqarfimmit tapersiissutit isumannaatsumik pissusilersornissamik pisussaaffeqarnermut, innuttaasut aamma suliffeqarfiit inatsisit allat malillugit pisussaaffigisaannut, taarsiunneqannginnissaat, aammalu kommunit suliassamik Avatangiisinut aningaasaateqarfimmit iluarsiivigitiinnannginnissaat, aamma pingaaruteqarpoq.

Tunisassianut nukissiornermut atorreqartartunut avatangiisinut akitsuut akuerineqareerpoq, takuuk Inatsisartut inatsisaat nr. 21, 18. november 2010-imeersoq. Avatangiisinut

anigaasaateqarfik pilersinneqarneranit atuutilersumik iluanaarutinit avatangiisinut akitsuummit tassangaaneersunik, aammalu akitsuutitut annertussusiliussat atuuttut aallaavigalugit, isertitaqalissasoq, 2019-imut Inatsisartut anigaasanut inatsisaat pillugu oqallinnermut atatillugu siunnersuutigineqassaaq. Imm. 3 matuma kingulianiittoq erseqqinnerusumik innersuussutigineqarpoq.

Avatangiisinut akitsuutit nutaat, inatsisissatut siunnersuutip saqqummiunneqarnerata nalaani erseqqinnerusumik isumaliutersuutigineqartut, makkuupput:

Qamutitut motorilinnut avatangiisinut akitsuut

Avatangiisinut akitsuut assersuutigalugu qamutitut motorilinnut nunatsinnut eqqunneqartumut ataatsimut immikkoortumut imaluunniit procentinngorlugu akitsuusiussaasinnaavoq imaluunniit immikkoortumut imaluunniit procentinngorlugu akitsuutaasinnaalluni, motoritut akitsuummut ukiumoortumik akilerneqartartumut atatillugu akilerneqartartoq. Anigaasat Avatangiisinut anigaasaateqarfimmut ikineqassapput, tassani biilit atorsinnaajunnaartut iliuuseqarfineqarnissaannut tapiissutinik tunniussinissamut anigaasanik immikkoortitsisoqassalluni. Taamaalilluni tigooqqaasarfinnik pilersitsisoqassaaq ingerlatsisoqassallunilu, tassani qamutit motorillit isaterneqarsinnaallutik aammalu atortui ataasiakkaat atoqqitassannut imaluunniit ikkussoqqitassatut immikkoortiterneqarlutik, assersuutigalugu avammut nioqquteqarnermi. Avatangiisinut akitsuutitut isertitat ilai biilikut igitsinnerannut akissarsititsisarnermik pilersitsinnermut atorneqarsinnaapput, taamaalilluni piginnittut biilitik atorsinnaajunnaartut tigooqqaasarfinnut tunniunnissaannut anigaasaqarnikkut kajumissuseqalersinneqassallutik.

Umiarsuarnut/angallatinut avatangiisinut akitsuut

Avatangiisinut akitsuut umiarsuarnut/angallammut nunatsinnut eqqunneqartumut imaluunniit nunatsinni sananeqartumut ataatsimut immikkoortumut imaluunniit procentinngorlugu akitsuutitut akilersinneqartassaaq. Anigaasat umiarsuit isaterneqarnerannut tapiissutinik tunniussinissamut atorneqarsinnaassapput.

Illumi atortorissaarutitut, elektronikkimut, batteritut, aqerlumut akkumulatoritut assigisaannullu nutaanut avatangiisinut akitsuut

Avatangiisinut akitsuut tunisassianik avatangiisinut ajoqusiisartunik, soorlu illumi atortorissaarutit, elektronik il.il., tuniniaanermi akilersinneqartassaaq. Avatangiisinut akitsuutitut isertitat Avatangiisinut anigaasaateqarfimmut tunisassianut taakkununga ”igitsinneranut akissarsitsisarnerup” anigaasalersorneqarneranut atorneqarsinnaapput. Igitsinneranut akissarsiassaq, tunisassiap tigooqqaasarfimmud tunniunneqarnerani, tunniunneqassaaq.

Nioqqutissanut toqqartukkanut Avatangiisinut akitsuut.

Nioqqutissat eqqunneqartut imaluunniit nioqqutissat Kalaallit Nunaanni suliarineqarsimasut ilarpasui eqqagassanngortarput, ikuallaavinni passunneqartussanngorlutik, inissiisarfinni nakkutigineqartuni uninngasuutigineqartussanngorlutik imaluunniit allami passunneqartussanngorlugit nunatsinnit annillugit assartorneqartussanngorlutik. Eqqakkanik navianartunik passussisarneq immikkut ajornartorsiutaasarpog. Avatangiisinut akitsuut ikuallaavinnik ullutsinnut naleqquttunik, eqqakkanut inissiivinnik nakkutigisaasunik

pilersitsinissamut aammalu eqqortumik suliarineqartussanngorlugit eqqakkanik assartuussinermut tapersiissutitut atorneqartassasut eqqarsaatigineqarsinnaavoq. Tapersiissutini putsumik saliineq aammalu kissap atorneqanngitsup atorluarneqarnerunissaa ilaatinneqarsinnaassaaq.

Imeruersaatinut aammalu puussianut plastikkinut poortuusersuutitut akitsuutit

Tunisassianut taakkununga avatangiisinut akitsuusiineq, Avatangiisinut aningaasaateqarfiup isertitani eqqiluisaarnermut aammalu eqqakkanik eqqortumik igitsisarnissamut atorsinnaassagai siunnersuutigineqarneranut, ataqatigiissinneqassaaq. Poortuusersuutit aamma puussiat plastikkit illoqarfinni, nunaqarfinni, pinngortitami aammalu imaani mingutsitsinermut annertuumik pissutaasarput aammalu poortuusersuutit eqqagassat ingerlaavartumik iginneqartartussat annertussusaannut annertuumik pisooqataasarput.

Aalisakkanut qassutinut avatangiisinut akitsuut

Assersuutigalugu aalisakkanut qassutinik eqquassinermi imaluunniit tuniniaanermi avatangiisinut akitsuusiisoqarsinnaavoq. Aningaasat akissarsiarititassanut, tigooqqaasarfinni aalisakkanut qassutinik atorsinnaajunnaartuni eqqortumik tunniussinermi, tunniunneqartartussanut atorneqassapput. Taamaaliornermi qassutit imaanut iginneqartannginnissaannut kiisalu qassutinik qimaannakkanik qaqitsisinnaanissamut, kajumissuseqalersitsisoqassaaq. Avatangiisinut aningaasaateqarfimmi aningaasaatit tamatuma saniatigut aalisakkanut qassutik qimaannakkat aammalu eqqakkat allat aalisarneqarnerannut kiisalu piniariartarfiit aalisariartarfiillu eqqiluutsuutinnissaannut, atorneqarsinnaassapput.

Avatangiisinut akitsuutit aammalu siunertaasut erseqqinnerusumik allattorneqartut imminnut ataqatigiinnissaat kissaatigineqartoq taanna erseqqissarniarlugu, Avatangiisinut aningaasaateqarfimmik, avatangiisinut akitsuutit isertitat avatangiisini pitsanngorsaarnermut atorneqartarnissaannik qulakkeerisussamik, pilersitsisoqassasoq, siunnersuutigineqarpoq.

Soorlu avatangiisinik allannngutsaaliuineq pillugu Inatsisartut inatsisaat aatsitassanut suliassaqarfimmut atuutinngitsoq, Avatangiisinut aningaasaateqarfiup ingerlatai aatsitassanut suliassaqarfiup avataani suliniuteqarnerup nukittorsarnissaanut tunngassuteqarpoq. Siunnersuummi § 3 innersuussutigineqarpoq.

1.2. Siunnersuutip imai pingaarnertit

Avatangiisinut aningaasaateqarfiup avatangiisinut akitsuutinik aningaasalersorneqarnera, tunisassianik pissarsinermi passussinermilu innuttaasut suliffeqarfiillu avatangiisinut mingutsitsinnginnerusussamik pissusilersortalernissamut isummertarnerup allannngortinnissaanik kajumissaaruteqalissaaq. Aningaasaateqarfik sivisunerusumik attanneqarsinnaasumik tunngaveqassaaq, inatsisitigut aammalu aningaasaateqarfiup qanoq inerisarneqarnissaanut ingerlanneqarnissaanullu tunngatillugu. Kiisalu Avatangiisinut aningaasaateqarfik, nunarput tamakkerlugu suliassaqarfinni pingaaruteqartuni arlalinni ukiut qanittut arlallit iluanni avatangiisini suliniuteqarnerit malunnaatilimmik pitsanngorsaalluni ingerlassinnaanissaannut, naammattunik isumalluutissanik qulakkeeriffigineqassaaq.

Avatangiisinut aningaasaateqarfimmik pilersitsinermut siunertaasoq 'mingutsitsisup akiliisussaanerata' tunngaviuneranut, Kalaallit Nunaanni taamatullu nunani tamalaani avatangiisinut inatsimmi tunngavigineqartumut, nangissutaavoq: Innuttaasut ataasiakkaat imaluunniit suliffeqarfiit mingutsitsinerat imaluunniit avatangiisinik atuinerat inuiaqatigiit ataatsimut isigalugit nammagassat nammassanngilaat, kisianni innuttaasut imaluunniit suliffeqarfiit ataasiakkaat avatangiisinik nanertuineranut akisussaasuupput.

Avatangiisini ajornartorsiutit aalajangersimasut, iluarsinissaannut Avatangiisinut aningaasaateqarfiup tapersiivigisinnaasassai, suliassaqarfinnut § 2, imm. 2-imi allassimasunut, aammalu aalajangersakkamut matumunnga nassuiaatini erseqqinnerusumik itisiliiffigineqartunut killissalersugaapput.

Siunnersuummi § 2, imm. 2-imi ingerlataqarfiusussanik allattuineq taanna tamakkiisuuvoq. Suliniuteqarfissat assigiinngitsut akornanni toqqaanermi, pingaarnersiuiunerup avatangiisinut akitsuutit pillugit Inatsisartut inatsisissaannut siunnersuutininik Inatsisartut suliarinnittarneranni takuneqarsinnaasussap, eqqarsaatigineqarnissaa pingaaruteqartorujussuuvoq. Aammattaaq assersuutigalugu aningaasanut inatsimmi Avatangiisinut aningaasaateqarfimmut aningaassaliissuteqartoqarneranut atatillugu, takuuk § 1, imm. 2, nr. 3, sammisassat pingaarnersiuiinermi salliutinneqartussatut kissaatigineqartut, allanneqarsinnaassapput.

Avatangiisinut akitsuutinik nutaanik naleqquttunik misissueqqissaarneq Pinngortitamut Avatangiisinullu Naalakkersuisoqarfiup aallartippaa.

Avatangiisinut akitsuummik akuersinermi, inatsimmi avatangiisinut akitsuummik aalajangersaanissaq siunertaasoq, tamatigut inatsiserpiami oqariartuutigineqartariaqaralarpoq, taamaalilluni avatangiisinut akitsuummi iluanaarutissaq Avatangiisinut aningaasaateqarfimmut tutsinneqartassalluni. Avatangiisinut akitsuummi iluanaarutissaq Nunap karsianut tutsinneqassappat aammalu Inatsisartut nalinginnaasumik aningaasanut inatsimmi pingaarnersiuiineranni ilaatinneqartassappat, tamanna aalajangersimasumik allassimasariaqaralarpoq. Taamatut isummerneq aamma Inatsisartut inatsisissaannut siunnersuummi aamma allassimasariaqaralarpoq, taamaaliornermi avatangiisinut akitsuutit ilai qaffatsinneqarlutik. Avatangiisinut akitsuutininik nutaanit isertitat Avatangiisinut aningaasaateqarfimmut atatinneqassapput, tamatumani akitsuutininik isertitat tamakkiisumik imaluunniit ilaannaasumik Avatangiisinut aningaasaateqarfimmut tutsinneqassanngitsut, avatangiisinut akitsuutit pillugit Inatsisartut inatsisaata akuerineqarnerani aalajangersimasumik aalajangerneqarsimangippat. Tunisassianut nukissiornermut atugassanut avatangiisinut akitsuutit atuutereersut akilersinneqartartut, takuuk nukissiornermi ikummatissat avatangiisinut akitsuutaat pillugu Inatsisartut inatsisaat nr. 21, 18. november 2010, Avatangiisinut aningaasaateqarfimmut tuttussatut naatsorsuutigineqarput, takukkit matuma siulianiittut. Pisortanut aningaasaqarnikkut allaffissornikkullu sunniutaasussat pillugit immikkoortoq innersuussutigineqarpoq.

2. Siunnersuummi immikkoortut pingaarnertit

Aningaasaateqarfimmi tapersiineq immikkoortoq 1.1-imi nassuiarneqartutut nalinginnaasumik avatangiisini pitsannorsaantertut iluseqarsinnaavoq, imaluunniit

”utertitsisarnertut aaqqissuussatut”/kajumissuseqalersitsiniarnermut aaqqissuussatut iluseqarsinnaalluni, tassani atuisup avatangiisinik mianersuussinerit aalajangersimasut isumagippagit, assersuutigalugu tigooqqaasarfimmum atorsinnaajunnaartunik tunniussinermigut, atuisup akitsuut utertissinnaallugu (ilaannakortumik).

Eqqagassalerinermut suliassa qarfimmi avatangiisit innarlitsaaliorneqarnissaanik Inatsisartut inatsisaanni, kapitali 7 malillugu kommunit susassa qarfigisaanni, kommunalbestyrelsi ilaatigut eqqakkanik passussinissamut aningaasartuutitut matussutissanut akiliutinik aalajangersaanissamut piginnaatitaavoq, takuuk § 39. Kisianni ilaatigut akiliutit taakkua suliassat tamaasa aningaasalersornissaannut naammassanngillat, ilaatigut nunarput tamakkerlugu avatangiisinut akitsuutit aalajangersimasut assigiippata naapertuutissalluni. Avatangiisinut aningaasaate qarfik taamaalilluni kommunit isumaqatigiissute qarfigalugit kommunini suliniarnernut tapertaasinnaassaaq, kisianni tamanna pissutigalugu kommunit akisussaaffiat annikinnerulissanani.

Taamaalilluni Avatangiisinut aningaasaate qarfimmik pilersitsinerup, kommunit avatangiisinik pitsaasunik peqqinnartunillu isumannaariniarnermi aningaasaqarnikkut suliniute qarnerminnik tunulliussinerannik malitseqannginnissaa, pingaarute qarpoq. Avatangiisinut aningaasaate qarfimmitt tapersiinermi taamaattumik suliniutissat nutaat pingaartumik ilaatinneqassapput aammalu kommunit kommunini avatangiisinut sullivinni aningaasalersuinermut peqataanissaat tunngavigineqassalluni.

Avatangiisinut aningaasaate qarfimmi aningaasatigut isumalluutitut aamma ingerlatat annertussusaannut, siunissami inatsisiliornerit apeqqutaasusaapput. Taamaattumik inatsit sapinngisamik eqaassuseqartitsiviusumik ilusilersorne qarpoq, aammalu allaffissorneq pillugu maleruagassat erseqqinnerusut nalunaarummi aalajangersarneqassapput. Aningaasaate qarfiup naatsorsuutai, Nunap Karsiata naatsorsuutaasa kukkunersiorne qarnerannut ilaatillugu, kukkunersiorneqartassapput. Taamaattumik Inatsisartut Avatangiisinut aningaasaate qarfimmi aningaasaatit aqunne qarneranni tamakkiisumik paasisimaarinniinnavittussaapput.

3. Pisortanut aningaasaqarnikkut allaffissornikkullu sunniutaasussat

Avatangiisinut aningaasaate qarfiornissaaq pillugu siunnersuutip aningaasaqarnikkut sunniutissaannut, siunissami avatangiisinut akitsuutitut inatsisit qanoq ilusilersorneqarnissaat apeqqutaavoq.

Avatangiisinut aningaasaate qarfimmik avatangiisinut akitsuummit aalajangersimasumit isertitaqartartussamik pilersitsinermi, Inatsisartut kingusinnerusukkut Avatangiisinut aningaasaate qarfik aqutigalugu atorneqartussatut taakkuninnga sioqqutsisumik immikkoortitsisussaanatik, isertitaqarnerulersitsinissaaq siunertaralugu avatangiisinut akitsuummik qaffaanissaat periarfissaarutsinneqassanngilaq.

Avatangiisinut aningaasaate qarfiup, pilersinne qarneranit atuutilersumik (naatsorsuutigineqarluni 1. januar 2019) iluanaarutit maannakkut tunisassianut nukissiornermut atorneqartussanut ukiumoortumik avatangiisinut akitsuutineersut aqutigalugit isertitaqalernissaa naatsorsuutigineqarpoq, akitsuutitut annertussusiliussat makkua aallaavigalugit:

1. Gasuulia aamma dieseluulia sunaluunniit, ilanngullugit petroleum, Jet A1 ilaalu ilanngullugit, literimut 0,10 kr.
2. Fueluulia ton-imut 113,80 kr.
3. Motoorinut benzina sunaluunniit, ilanngullugu timmisartunut benzina assigisaalu, literimut 0,10 kr.
4. Gassi sunaluunniit, ilanngullugit naturgas, bygas ilaalu ilanngullugit, kisianni gassi puiaasamiittuunngitsoq, Nm3-imut 110,40 kr.
5. Aamarsuiat suulluunniit, ilanngullugit aamarsuit ujaqqat, jordoliekoks, brunkul, orsuutit qisuit ilaalu ilanngullugit, ton-imut 73,40 kr.

Tunisassianut nukissiornermut atorneqartussanut maannakkut ukiumoortumik avatangiisinut akitsuummit iluanaarutit naatsorsuinermi ilanngunneqarnissaat pillugu tunngavigisami tassani, Avatangiisinut aningaasaateqarfimmut aningaasartuutit, aningaasanut inatsimmi kontumi pingaarnermi 77.05.08 pineqartunut ilaasut, pinngitsoorani tunngavigineqassasoq, aallaavigineqarpoq. Avatangiisinut aningaasaateqarfik 2019 aallarnerfigalugu akitsuutinit taaneqartunit iluanaarutit atorlugit akilerneqassaaq (inatsisissatut siunnersuut aningaasanut inatsimmi missingersuutinit sunniteqassanngilaq).

Taamaattumik aningaasaateqarfimmi aningaasassanik allanik pissarsinissamut, avatangiisinut suliassaqarfimmi avatangiisinut akitsuutinit akiliutinillu nutaanit takkuttussaasinnaasunit, kingusinnerusukkat Inatsisartut akuerisagassaannit, ilassutaasussanik isertitaqarnissaaq pisariaqarpoq, takuuk § 4 tassungalu nassuiaatit.

Inatsisissatut siunnersuutaasartussanik, avatangiisinut akitsuutit iluseqartunik, akuersinermi inatsisissatut siunnersuummi tassungalu nassuiaatini, § 4-imut naapertuuttumik, pisumi tassani paatsuugassaannigsumik ersarissumillu allassimasussaassaaq, akitsuummut annertussusiliussaq tunuliaqutaasoq atuutsillugu tassanngaaniit iluanaarutit (imaluunniit taamaaqataanik avatangiisinut tunngasumik akiliummik akiliuteqarneq) inatsisissatut siunnersuut malillugu naatsorsuutigineqartut Avatangiisinut aningaasaateqarfimmut tutsinneqassanersut aammalu qanoq annertutigisumik tamanna pissanersooq. Tamanna taamaalilluni naatsorsuutigineqarpoq tassaassasoq, qamutinit motorilinnut isaterinissamut akiliut, motorinut akitsuutit allangortinneqarneranni UKA 2018-imi saqqummiunneqartussatut naatsorsuutigineqartoq.

Mingutsitsinermik akiuniarnissamik qulakkeerinissamik taamatullu avatangiisit pitsaasut peqqinnartullu, pingaarnersiunerme aningaasanut inatsisip suliarineqarnerani ukiut tamaasa pisartumi nukittunerusumik inissisimasarnissaasa qulakkeerneqarnissaata kissaatigineqarneranut, siunnersuut takussutissaavoq.

Avatangiisinut aningaasaateqarfimmut allaffissornermut aningaasartuutit minnerpaamiitilerlugit killilersimaarniarneqarput, taamaalilluni Avatangiisinut aningaasaateqarfik nammineq allaffissornikkut aqutsisussatut, siulersuisoqartutut, allaffeqartutut il.il. immikkoorluni pisussaaffeqarlunilu pisinnaatitaasussatut pilersinneqassanani, kisianni Naalackersuisunit allaffissornikkut aqunneqassalluni, takuuk § 4, imm. 1. Aammattaaq allaffissornermut aningaasartuutissanut, Avatangiisinut aningaasaateqarfiup sunik isertitaqarnissaa, aammalu suliassat suut Avatangiisinut

anigaasaateqarfimmi pingaarnersiuiinermi salliutinneqartussatut toqqarneqarnersut, apeqquataassaaq. Taamaattumik avatangiisinut akitsuutininut nutaanut siunnersuummik saqqummiussinermut atatillugu, anigaasartuutissanut, siunnersuutip akuerineqarnerani isertitanut allaffissornikkut aqutsinermi Avatangiisinut anigaasaateqarfimmut malittaasussanut, missingersuusiortoqartassaaq.

4. Inuussutissarsiortunut anigaasaqarnikkut allaffissornikkullu sunniutaasussat

Avatangiisinut anigaasaateqarfiliorneq tamatumalu kingorna anigaasaateqarfimmut avatangiisinut akitsuutinik akuersisarneq, isumalluutinik atorluaanissamik, mingutsitsinermik annikillisisinissamik il.il. aallussinerulluni pissusilersortarnissamik kajumissaarisussaaq. Avatangiisinut akitsuutinit isertitat avatangiisinik pitsanngorsaanissamut atorneqassasut, taamaalillunilu iluaqutaassasut, siunnersuummi matumani erseqqinnerulissaaq.

Avatangiisinut anigaasaateqarfimmik pilersitsinissaq pillugu siunnersuutip anigaasaqarnikkut allaffissornikkullu sunniuteqarnissaanut erseqqinnerusumik avatangiisinut akitsuutinut inatsisit qanoq ilusilersorneqassanersut apeqquataassaaq. Avatangiisinut akitsuutinik atuutsitsilerneq inuussutissarsiortut avatangiisinik atuinerpaajusartut anigaasartuuteqarnerulerannik malitseqarsinnaavoq. Kisianni ataatsimut isigalugu avatangiisit minguinnerusut inuussutissarsiortut ataatsimut isigalugit iluaqutaasinnaassaaq, ilanngullugit takornariartitsinermik suliaqartut.

5. Avatangiisinut, pinngortitamut aamma inuit peqqissusaannut sunniutaasussat

Avatangiisinut anigaasaateqarfimmik pilersitsinermi isumalluutit naammattut, ukiut arlallit qaninnerit iluanni suliaasaqarfinni § 2-imi taaneqartuni nunarput tamakkerlugu avatangiisini suliniuteqarnermi malunnaatilimmik pitsanngorsaanernik suliaqarsinnaanermik, qulakkeerissapput.

6. Innuttaasunut sunniutaasussat

Avatangiisinut anigaasaateqarfiliorneq tamatumalu kingorna anigaasaateqarfimmut avatangiisinut akitsuutinik akuersisarneq, isumalluutinik atorluaanissamik, mingutsitsinermik annikillisisinissamik il.il. aallussinerulluni pissusilersortarnissamik kajumissaarisussaaq. Avatangiisinut akitsuutinit isertitat avatangiisinik pitsanngorsaanissamut atorneqassasut, taamaalillunilu iluaqutaassasut, siunnersuummi matumani erseqqinnerulissaaq. Avatangiisinut anigaasaateqarfimmik pilersitsinissaq pillugu siunnersuutip anigaasaqarnikkut allaffissornikkullu sunniuteqarnissaanut erseqqinnerusumik avatangiisinut akitsuutinut inatsisit qanoq ilusilersorneqassanersut apeqquataassaaq.

7. Sunniutaasussat annertuut allat

Siunnersuut allanik annertuunik sunniuteqassanngilaq.

8. Oqartussanut kattuffinnullu il.il. tusarniaaneq

Siunnersuut piffissami 21.11.2017 - 29.12.2017 tusarniaanermut nittartakkami pissarsiarineqarsinnaatinnearpoq kiisalu tusarniaaffigineqartunut makkununga nassiunneqarluni:

Naalakkersuisut Siulittaasuata Naalakkersuisoqarfia
 Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut
 Naalakkersuisoqarfik
 Inuussutissarsiornermut, Suliffeqarnermut, Niuernermit Nukissiuuteqarnermullu
 Naalakkersuisoqarfik
 Aalisarnermut Piniarnermullu Naalakkersuisoqarfik
 Peqqissutsimut Naalakkersuisoqarfik
 Aningaasaqarnermut Akileraartarnermullu Naalakkersuisoqarfik
 Ilinniartitaanermut, Kultureqarnermut, Ilisimatusarnermut Ilageeqarnermullu
 Naalakkersuisoqarfik
 Namminiilivinnermut, Nunanut Allanut Nunalerinermullu Naalakkersuisoqarfik
 Kommuninut, Nunaqarfinnut, Isorliunerusunut, Attaveqatigiinnermut Ineqarnermullu
 Naalakkersuisoqarfik
 Aatsitassanut Ikummatissanullu Naalakkersuisoqarfik
 Nunatsinni Nakorsaaneqarfik
 Akileraartarnermut Aqutsisoqarfik
 Aalisarnermik Nakkutilliisoqarfik (GFLK)
 Naatsorsueqqissaartarfik
 Kalaallit Nunaata Sinniisoqarfia
 Rigsombuddi
 Uumasut nakorsaqaqarnermut immikkoortortaqaqarfik
 Kalaallit Nunaanni nunami namminermit inuit pisinnaatitaaffiinut sullissivik
 Atuisartoqarnermut Unammilleqatigiinnermullu Aqutsisoqarfik
 Kommune Kujalleq
 Kommune Sermersooq
 Qeqqata Kommunia
 Qaasuitsup Kommunia
 KANUKOKA
 Pinngortitaleriffik
 Arktisk Kommando
 Kalaallit Nunaanni Politimesteri
 Visit Greenland
 Sulisitsisut
 KNAPK
 Kalaallit Nunaanni Eqqartuussissuserisut Peter Schriver
 Avataq
 TIMMIAQ
 ICC-Greenland
 WWF Verdensnaturfonden
 Transparency Greenland
 Royal Greenland

Polar Seafood
Royal Arctic Line
Polaroil

Matuma kinguliani tusarniaaffigineqartut ataasiakkaat tusarniaanermut akissuteqaataat ataatsimoortillugit allanneqarput kiisalu taakkua siunnersuummut isumaliuutersuuteqarnissamut iluarsiinissamullu qanoq pissutissaqalersitsisimanersut allaaserinninnerulluni.

Tusarniaaffigineqartut oqaaseqaataat uingasumik allanneqarput. Naalackersuisoqarfiup isumaliuutersuutai iluarsiiinerilu, uingasuutinnagit allanneqarput.

Aatsitassarsiornermi ingerlataqarnerit inatsimmi pineqartunut ilaanngitsut, inatsisip oqaasertaanni imaluunniit tassunga nassuiaatini erseqqinnerusumik allassimassasoq, Aatsitassanut Ikummatissanullu Naalackersuisoqarfiup qinnutigaa. Siunnersuut taanna § 3-ip nassuiaatitaqartup ilanngunneqarnerani akuerineqarpoq.

Pissusilersortarnerup allanngortinnissaanut kajumissaataasussanik atuutsitsilernissaq, mingutsitsisup akiliinissaanik tunngaveqarneq il.il. pillugit siunnersuummut Peqqissutsimut Naalackersuisoqarfik tapersiivoq aammalu eqqakkanik ikuallaasarfinnut il.il. tunngatillugu suliniutinik annertusaaneq, peqqinnissamut navianartunik aamma tunillaasinnaanermut periarfissanik annikillitseqataasinnaammat.

Ataatsimoorussanik aningaasartuutinik pingaarnersiuisarnerup aningaasanut inatsimmi pisartup Avatangiisinut aningaasaateqarfimmit ajornakusoortinneqalersinnaanera aarleqqutigalugu Aningaasaqarnermut Akileraartarnermullu Naalackersuisoqarfiup kiisalu Akileraartarnermut Aqutsisoqarfiup oqaatigaa. Aarleqquteqarneq taanna paasinarpoq, kisianni avatangiisini illersuinermi amigaataasut, ajoraluartumik takuneqarsinnaasut, iluarsineqarnissaasa kissaatigineqarneranut, siunnersuut takussutissaavoq. Pisortanut aningaasaqarnikkut allaffissornikkullu sunniutaasussat pillugit immikkoortumi itisiliisumik nassuiaaneq ilanngunneqarpoq. Avatangiisinut aningaasaateqarfik kommunit suliassaannut aningaasalersuisussaanngitsoq, aammattaaq erseqqissarnissaa Naalackersuisoqarfiup kissaatigaa. Siunnersuut taanna aamma ilanngunneqarpoq, kommuninut ataqatigiissaarinerup kommunit akisussaasuunerat annikillisittussaanngitkaa, erseqqissarneqarluni.

Avatangiisinut Aningaasaateqarfiup allaffissornikkut aqunneqarnera oqimaappallaassanngitsoq, aammalu kommunini suliassaqarfinnut pilersaarutinut ataqatigiissaarineq iluaqutaasinnaasoq, § 4, imm. 3-imut (maannakkut § 5, imm. 3) nassuiaatini allanneqassasoq, Aningaasaqarnermut Akileraartarnermullu Naalackersuisoqarfiup sinnersuutigaa. Siunnersuut taanna § 5, imm. 3-imut nassuiaatini ilanngunneqarpoq.

§ 4, imm. 1-ip (maannakkut § 5, imm. 1) oqaasertalerneqarnera aalajangersakkamut nassuiaatit imarisaannut naapertuuteqqissaanngitsoq, Akileraartarnermut Aqutsisoqarfiup tikkuarppaa. Tamanna maannakkut § 5, imm. 1-imi tassungalugu nassuiaatini iluarsineqarpoq.

Tunisassianut nukissiornermut atugassanut avatangiisinut akitsuutinit iluanaarutit Avatangiisinut aningaasaateqarfimmut tutsinneqartarnissaat isumanerluutigalugu, Akileraartarnermut Aqutsisoqarfiup oqaatigaa, tassami isertitassanik allanik nassaarniartoqartussaassamat imaluunniit taarsiisussanik sipaaruteqartoqartussaassalluni. Naalackersuisoqarfiup tassunga tunngatillugu oqaatigaa, iluanaarutit Avatangiisinut aningaasaateqarfimmut ilanngunneqarnissaat 2019-imut aningaasanut inatsisissatut siunnersuummi aalajangerneqassasoq eqqarsaatigineqartoq, kisianni tamanna missingersuutinit sunniuteqanngitsumik ingerlanneqassasoq.

Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik nalunaarpoq siunnersuummut oqaaseqaatissaqarani. Taamatuttaaq Kalaallit Nunaanni Politimesteri, Kalaallit Nunaanni Rigsombudsmandi aamma Inuit pisinnaatitaaffiit Institut nalunaarput oqaaseqaatissaqaratik.

Qeqqata Kommunia siunnersuummut tapersiivoq, kisianni tikkuarlugu avatangiisinut inatsimmi § 51 aamma igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersumi § 16 malillugit sullissiviit, suliffeqarfiit il.il. illuutimik eqqaanni avatangiisaannilu eqqiaanissamik pisussaaffilerneqarnissaannut periarfissaqartoq, aammalu mingutsitsisup saliinissamik peqqusissuteqarneq sunniuteqarluarsinnaappat, Avatangiisinut aningaasaateqarfiup aningaasaatai atorneqartariaqanngitsut. Ilaatigut aalisarfinni piniariarfinnilu eqqiluitsuutitsinissaq pillugu taamaaqataannik atuutsitsisoqarpoq.

Innuttaasunut pisussaaffiliinerit Avatangiisinut inatsimmi, eqqagassalerinermut nalunaarummi aammalu eqqagassalerinermut malittarisassiani aalajangersarneqartut atuutsinneqartussaasut, Naalackersuisoqarfiup isumaqatigaa. Avatangiisinut aningaasaateqarfiup aningaasaataannik atuineri, mingutsitsisup akiliisussaanaera pillugu tunngaviusoq sapinngisamik tunngavigineqartussaavoq. Kisiannili kina mingutsitsisimanersoq tamatigut aalajangersarneqarsinnaasanngilaq, aammalu Avatangiisinut aningaasaateqarfik ingerlaavartumik suliassanik pingaarnersuisartussaavoq. Tassani kommunip oqaaseqaataa isumaliuutersuutini ilaasariaqassaaq.

Kommunip siunnersuutigaa § 2, imm. 2-imi imm. 9 nutaaq ilanngunneqassasoq: Umiatsiaaqqat, kiisalu sunngiffimmi angallatit annerusut aamma minnerusut.

Naalackersuisoqarfiup paasinninnera malillugu tamanna imm. 6-imi, umiarsuarnik qimaannakkanik passussineri, pineqartunut ilaareerpoq aammalu peqqusissuteqarnikkut piginnittoq saliidinneqarsinnaappat, pisortat aningaasaataannik atuisoqassanngitsoq, kommunip oqaaseqaataa, aamma umiatsiaaqqanut aamma sunngiffimmi angallatinut qimaannakkanut atuuppoq.

Siunnersuummi § 4, imm. 2-imi (maannakkut § 5, imm. 2) danskisut aamma kalaallisut oqaasertai imminnut naapertuutinngitsut kommunip tikkuarpaa, tassami danskisut oqaasertaanni allassimavoq Naalackersuisut ukiut tamaasa nalunaarummik tamanut saqqummersitsisinnaasut, kalaallisuuani allassimalluni nalunaarummik saqqummiussisoqartassasoq. Innuttaasut aamma kommunit Avatangiisinut aningaasaateqarfik

sumut atornerqarnersooq paasisimanissaata qulakkeernissaa eqqarsaatigalugu nalunaarummik saqqummiisoqartassaaq, aammalu Naalakkersuisoqarfiup taamaattumik kommunip siunnersuutaa §5, imm. 2-imi danskisut oqaasertaani ilannguppaa.

Kiisalu kommuni suliniutit immikkuullarissut, siunnersuummut nassuiaatini taaneqartut, ilusilersorneqarnissaannut sukumiinerusunik siunnersuuteqarpoq. Kommunip oqaaseqaatai siunnersuutit sukumiisut taakkua suliarineqarnerisa ingerlaqqinnerani ilaatinneqassapput, kisianni Avatangiisinut aningaasaateqarfik pillugu inatsisissatut siunnersuutip ilusilersorneqarneranut pingaaruteqaratik.

WWF Verdensnaturfonden siunnersuummut tapersiivoq aammalu siunnersuutigalugu poortuusersuutit plastikkit pillugit suliniuteqarnissaaq aammalu ikummatissanut mingutsitsinerpaasartunut akitsuusiinissaaq siunnersuutigalugit. WWF Verdensnaturfonden siunnersuutigaa § 4, imm. 2 (maannakkut § 5, imm. 2) allanngortinneqassasoq, taamaalilluni ukiut tamaasa Avatangiisinut aningaasaateqarfimmi suliarineqartut pillugit nalunaarummik saqqummiisoqartassalluni. Naalakkersuisoqarfiup siunnersuut taanna § 5, imm. 2-imi ilannguppaa.

KNI A/S avatangiisinut akitsuutit allaaserineqartut pillugit arlalinnik oqaaseqaateqarpoq aammalu aaqquissuussinernik sapinngisamik oqinnerpaamik allaffissornikkut aqukkuminartunik peqarnissaa piumasaralugu. Tusarniaanermut akissuteqaat taamaalilluni, avatangiisiinut akitsuutit il.il. Avatangiisinut aningaasaateqarfimmut isertitaqartitsisussat, kisianni taamatut Avatangiisinut aningaasaateqarfik pillugu siunnersuummut tunngassuteqanngitsut, suliarineqarnerisa ingerlaqqinnerani ilaatinneqartariaqartunik imaqarpoq.

Sulisitsisut inassutigaa, § 4, imm. 2-imi (maannakkut § 5, imm. 2) siunnersuummi ”-sinnaavoq”, allanngortinneqassasoq ”-ssaaq”, Qeqqata Kommunianit siunnersuummut assingusumik. Tamanna siunnersuummi § 5, imm. 2-imi ilanngunneqarpoq.

Tamatuma saniatigut Sulisitsisut isummersuutinik avatangiisinut akitsuutit ataasiakkaat ilusilersorneqarnerannut atatillugu isumaliutersuutigineqartussanik, tikkuagaqarput. Taamaattumik isummersuutit avatangiisinut akitsuutinik, kisianni Avatangiisinut aningaasaateqarfik pillugu siunnersuummut tunngassuteqanngitsunik, suliaqarnerup ingerlaqqinnerani ilaatinneqassapput.

Royal Greenland Avatangiisinut aningaasaateqarfik pillugu siunnersuummut, tusarniaanermut akissuteqaammuni tapersiivoq aammalu eqqaavissuit peerneqarnissaat pillugu suliniuteqartoqartariaqaraluartoq, pingaartumik tikkuarlugu. Tamatuma saniatigut Royal Greenland avatangiisinut akitsuutinut inatsisissap ilusilersorneqarnissaanut aalajangersimasumut tunngasunik siunnersuuteqarpoq imaluunniit oqaaseqaateqarluni. Oqaaseqaatit taakkua siunnersuutit taakkua, kisiannilu Avatangiisinut aningaasaateqarfimmut siunnersuummut tunngassuteqanngitsut, suliarineqarnerisa ingerlateqqinneqarneranni ilaatinneqassapput.

Aalajangersakkanut ataasiakkaanut nassuiaatit

§ 1-imut

Imm. 1-imut

Aningaasaateqarfiup siunertaa pingaarneq tassaavoq, suliassaqarfinni peqatigisaanik avatangiisinut akitsuutiniq atuutsitsiviusuni, avatangiisinut suliniuteqarnerup ersarissarneqarnissaa nukittorsarneqarnissaalu. Avatangiisinut akitsuutinit isertitat aamma siunertat pitsanngorsaavigineqartussatut kissaatigineqartut imminnut ataqatigiinnissaat qulakkeerniarlugu, isertitat aningaasaateqarfimmi ingerlatsivimmi aqunneqarnerani missingersuusioriaatsikkut naatsorsuusioriaatsikkullu Nunap Karsianit avissaarsimatinneqartumi katersorneqassapput. Isertitat Inatsisartunut nalinginnaasumik akisussaaffeqarluni Naalakkersuisunit aqunneqassapput.

Imm. 2-imut

Avatangiisinut aningaasaateqarfik avatangiisini suliniuteqarnerup pitsanngorsarneqarneranut iluaqutaassaaq, kisianni assersuutigalugu inuiaqatigiit ineriartornerat pissutigalugu pisariaqartitsineq allanngorsinnaavoq. Taamaattumik Avatangiisinut aningaasaateqarfiup suliassai ataatsimut isiginerullugit nassuiarneqarput, takuuk § 2 pillugu matuma kingulianiittut, kisianni tamatuma saniatigut pingaarnersiuneq, aningaasanut inatsisit imaluunniit avatangiisinut akitsuutitut inatsisit aalajangersimasut, takuuk imm. 3, akuerineqarnerannut atatillugu aalajangersarneqartoq, apeqqutaasinnaassaaq. Avatangiisinut aningaasaateqarfik misilittagaqalereerpat, immaqa suliassat taagorneqarnerisa iluarsineqarnissaat naleqqussinnaavoq.

Imm. 3-imut

Avatangiisinut aningaasaateqarfiup avatangiisinut akitsuutinit isertitaqarnissaanut, Inatsisartut inatsisaanni immikkoortuni akuersinissaq pisariaqarpoq. Aningaasaateqarfik taamaalilluni aatsaat isertitaqarsinnaavoq nioqqutissanut imaluunniit ingerlatanut aalajangersimasunut akitsuusiinissaq Inatsisartut inatsisaanni akuerineqarpat. Avatangiisinut akitsuutitut inatsisini ataasiakkaani allassimassaaq, avatangiisinut akitsuut pineqarnersoq. Taamaattumik imm. 3, nr. 1-imi aamma 2-imi allattukkat tamakkiisuunnigillat. Qularnanngitsumik inerisaanerup nalaani Avatangiisinut aningaasaateqarfiup avatangiisinut akitsuutinit isertitai naammannigillat. Taamaattumik aningaasanut inatsimmi immikkut ittumik aningaasaliissuteqartoqarsinnaavoq.

§ 2-imut

Imm. 1-imut

Aalajangersakkami ”mingutsitsisoq akiliissaaq” pillugu tunngaviusup naammassineqarnissaa pingaartumik siunnerfigineqarpoq. Avatangiisinut akitsuutinit isertitat aningaasaateqarfimmi tiguneqartut, ilaatigut suliassaqarfiup imaluunniit ingerlatassat, avatangiisinut akitsuusiiffigineqartut, iluanni avatangiisini pitsanngorsaataasumik suliniuteqarnerut tapersiissutitut atorneqarsinnaapput. Taamaalilluni isertitat siunertanut ingerlatanit avatangiisinut mingutsitsisartunit akornusiinernik pinngitsoortitsisussanit imaluunniit annikillisisussanik, atorneqarnissaat qulakkeerneqassalluni. Nassuiaatini nalinginnaasuni, immikkoortoq 1.1-imi, assersuutit innersuussutigineqarput.

Taamaattoq isertitat avatangiisinut akitsuutinit assigiinngitsunit tiguneqartut allaffissornikkut aqunneqarnerisa, siunertat ataasiakkaat avissaartisimalluinnarlugit, killissalersorneqarnissaat naapertuutinngilaq. Eqqagassalerinermut, eqqaavissuarni saliinermut aammalu suliffeqarfiit, inissiat il.il. eqqaanni aammalu asimi nunaannarmi eqqiluutsuutitsinissaq eqqarsaatigalugu ajornartorsiutit paasineqarsinnaasut, tamanut tunngassuteqarput. Ajornartorsiutit mingutsitsiviusartunit arlalinneersuupput, taamaattumillu Avatangiisinut aningaasaateqarfiup isertitat, suliniutinut ajornartorsiutinut arlalinnut taamaaqataannik killissalersuiffiusunut, aningaasalersuinissamut atorsinnaassavai. Nikerartitsisinnaaneq kissaatigineqartoq avatangiisinut akitsuutinut inatsisini ataasiakkaani nassuiarneqassasoq eqqarsaataavoq.

Avatangiisinut akitsuutit avatangiisinik pitsanngorsaaneermut atorneqassapput aammalu siunertanut allarluinnarnut atorneqassanatik, assersuutigalugu atuartitsineq imaluunniit peqqinnissaq, aningaasalersorneqarnissaannut atorneqannginnissaat, aalajangiisuulluinnartumik pingaaruteqarpoq.

Imm. 2-imut

Suliassa qarfinnut aningaasaateqarfimmit tapersiivigineqartussanut, avatangiisinut akitsuutit suut atuutsinneqalissanersut apeqqutaassaaq. Avatangiisinut aningaasaateqarfiup suliaqarneranut naleqquttumik ersarissunik, kisiannili imartuunik killissaliiniarluni, ingerlatassat suut Avatangiisinut aningaasaateqarfimmi aningaasassanit tapersiivigineqarsinnaassanersut imm. 2-imi allattorneqarput. Ingerlatassaasinnaasut arlallit naleqquttumik annertussuseqartut suusanersut ersarissumik toqqarneqarput, taamaalilluni Avatangiisinut aningaasaateqarfimmi sulinerup pingaarnersiunerit allanngortarnerinut naapertuuttumik ineriartortinneqarsinnaanissaa periarfissinniarlugu.

Imm. 3-imut

Aningaasaateqarfik unammilleqatigiinnermi equititsisutut sunniuteqarsinnaasumik inuussutissarsiutinut taperseeqqusaanngilaq.

Aningaasaateqarfik, ingerlatat suliffeqarfiit unammilleqatigiittut akornanni assigiinngisitsinngippata, ingerlatanut nalinginnaasumik suliffeqarfiit arlallit iluaqutigisassaannut tapersiisinnaavoq.

§ 3-imut

Avatangiisinik allanngutsaaliuineq pillugu Inatsisartut inatsisaanni nr. 9, 22. november 2011-imeersumi § 4-imi aalajangersarneqarpoq aatsitassanut suliassa qarfik inatsimmi pineqartunut ilaatinneqassanngitsoq, tassami aatsitassarsiornermi ingerlatat immikkut aatsitassat pillugit Inatsisartut inatsisaanni maleruagassiivigineqarmata. Suliffeqarfiit aatsitassarsiorluni misissuinissamut imaluunniit aatsitassanik piiaanissamut akuersissummik tunineqartut, saliinissamut il.il. aningaasaqarnikkut qularnaveeqqusiinermikkut mingutsitsisup akiliisussaanaera pillugu tunngaviusoq malittussaavaat, taamaattumillu Avatangiisinut aningaasaateqarfiup suliaqarnerani suliassa qarfiup taassuma ilaatinneqannginnissaa naleqqunnerpaatut isigineqarpoq.

§ 4-imut

Akitsuummit isertitat Nunap karsianut tutsinneqassanersut aammalu Inatsisartut aningaasanut inatsimmi aningaasartuutissanik nalinginnaasumik pingaarnersiuneranni ilaatinneqassanersut, imaluunniit Avatangiisinut aningaasaateqarfimmut tutsinneqassanersut, nalornissutigineqalinnginnissaa pingaaruteqarpoq. Taamaattumik avatangiisinut akitsuutitut inatsit avatangiisinut akitsuutitut inatsisitut isigineqassasooq imaluunniit taanna avatangiisinut akitsuutitut inatsisitut siunertaqartoq pillugu aalajangersakkamik imaqassasooq, siunnersuutigineqarpoq. Taamaattoqarpat, inatsimmi allatut aalajangersimasumik aalajangersaasoqarsimangippat, akitsuummit iluanaarutit Avatangiisinut aningaasaateqarfimmut tutsinneqassapput.

§ 5-imut

Imm. 1-imut

Aningaasaateqarfik Naalakkersuisut ataannut inissinneqarpoq aammalu aaqqissuussaanermi immikkut aqunneqartuunani. Taamaattumik aamma Naalakkersuisut aningaasaateqarfiup aqunneqarnera ingerlanneqarneralu isumagisarissavaat.

Imm. 2-imut

Nalunaarut ilaatigut Avatangiisinut aningaasaateqarfiup naatsorsuutaannik aamma suliniutitut avatangiisinik pitsanngorsaataasussanut, ukiumi qaangiuttumi tapersiivigineqarsimasunut nassuiaammik, imaqassaaq. Avatangiisinut aningaasaateqarfik naatsorsuusioriaatsitsigut Nunap Karsianit avissaarsimatinneqaraluartoq, nalunaarut Nunap Karsiata naatsorsuutaasa kukkunersiorneqarnerannut ilaatillugu, kukkunersiorneqassaaq.

Imm. 3-imut

Naalakkersuisut Avatangiisinut aningaasaateqarfiup allaffissornikkut aqunneqarnera pillugu maleruagassanik erseqqinnerusunik aalajangersaanissamut piginnaatinneqarput. Taamaaliordermi allaffissornerup oqimaappallaalernissaa akisuallaalernissaalu pinngitsoortinneqassaaq. Aamma maleruagassat Avatangiisinut aningaasaateqarfiup suliaqarneranik, avatangiisit innarlitsaaliorneqarnissaannik Inatsisartut inatsisaat malillugu ingerlaturanut ataqatigiissarisussat, aalajangersarneqarsinnaapput. Taamaaliordermi kommunini suliassaqarfinnut pilersaarusiorderup Avatangiisinut aningaasaateqarfimmi ingerlataqarnernut ataqatigiissarneqarnissaa, pissusissamisuussaaq.

§ 6-imut

Siunnersuutigineqarpoq Inatsisartut inatsisaat ulloq 1. januaari 2019 atuutilissasooq.